



12346

沈氏三先生文集卷第五

西谿文集卷第五

宋翰林學士右諫議大夫知制誥充羣牧使兼判吏部流內銓判尚

書禮部長興縣開國伯食邑八百戶輕車都尉賜紫金魚袋沈遵

制誥

試大理評事前保信軍節推鄭畦可大理寺丞試

祕校前冀州衡水縣令丁錞可著作佐郎

敕某等朝廷乂安而仕者益眾多故吏部之法益密而

嚴蓋官人之慎不如是則濫而有能應其法以得進者

沈氏三先生文集

卷第五

一

川川三

豈非良吏哉惟爾睡暨錞闕效實皆最無殿是用臨

闕于廷並擢于王官廷尉東觀之屬往服于位靖其夙

夜思有攸立無累我明可

文思使李樞可康州刺史

敕某南方多事羣蠻屢擾吏民不得休息朕甚憂之故

使靖守廣又思得忠勇材智之將以佐其軍惟爾樞前

日在廣能捍不虞之寇以全其城其效已試然則熟知

樞賢其以樞領刺史之符往護一道之兵以為靖貳矧

靖嘗請爾以自輔其必能協心均力以紓朕南顧之憂



矣往惟祗服可

文思使郝元規可右騏驎使

敕某荊州北部外撫夷粵而武陵之要用武之地也治民禦侮蓋難其人而大臣方薦爾元規之材故朕以爾往領郡事又躡升使列數等以重其行朕維是大臣之信故褒用及爾其勉思所以自效者稱爾所知對我明命可

奏舉人前太原府太谷縣令王可久奏舉人前權

知嘉州軍事推官趙嗣宗可大理寺丞

沈氏三先生文集

卷第五

二

川一七

敕某等吏部選法密矣然用以進退州縣之吏尙或失之豈非難哉今爾等閭閻之狀旣應其法朕又躬辨于前然後進爾于廷尉之屬王官之列其往思服凡爾之奔走于役者幾歲于茲矣得之之艱未若守之之艱也如何其勿怠可

都官郎中楊佐可司封郎中

敕某水之爲利害也甚矣堯舜其猶病諸故歷代建以爲官莫之能廢而朕用稽焉惟爾佐學行材智廉正庸敏實吾士大夫之望而自領都水出入累歲夙夜盡瘁

具有厥功朕甚嘉之故因有司大比之敘陟爾左曹之
正以爲朕寵其往宿爾共愈獻厥成則亦當有以稱爾
矣欽哉可

光祿寺丞韓宗道可著作佐郎

敕某夫士大夫能世其家而保其祿位者固可稱矣況
又能自奮其名以致其身者可不尚之以爾名臣之後
克篤學問以第俊造之選故今考三歲之典擢爾于東
觀之屬以顯爾能且使在位之家有以知勸爾亦愈思
厥服可

沈氏三先生文集

卷第五

三

川 〇 〇 〇

東頭供奉官趙鼎邢凡可並內殿崇班

敕某等有司言爾積勞計日咸應於法而當遷故朕進
爾班于殿中從朝者之後夫由奔走之冗而至此者艱
矣爾其往服毋怠而舊愈自刻厲庶幾有以稱我之寵
榮可

漳州錄事參軍前監郢州京山縣酒稅申房可太

子洗馬致仕

敕某夫壯而宣其力老而休其身仕者之美也故古者
皆欲褒顯之以風在位然則雖爾州縣之卑豈可遺乎

其以房爲東宮之屬通籍于朝勉哉初終以稱吾意可
宣徽北院使鎮甯軍節度使判鄆州充京東西路

安撫使曹佾奏小方脈醫人李整

敕某夫醫之於人不可須臾而無者也矧吾大臣而有
請於爾醫者其可勿許申按故事試以一命以爲吾大
臣之恩焉可

大理評事馬直温可衛尉寺丞

敕某夫善積者身尊勞大者報豐皆有稱也今爾累日
考成則得遷一官使能奮然有以自出于眾則名豈不
能不次而待爾乎其往思效可

沈氏三先生文集

卷第五

四

東頭供奉官唐贊許才良可並內殿崇班

敕某等考績黜陟之法朝廷之大信一均于爾臣工豈
以貴賤而有間哉贊等籍于三班其已久矣功狀無殿
是應於法故遷之敘于殿朝之列顧爾之舊可謂光寵
其往自厲尙克稱之可

龍圖閣直學士左司郎中知河陽李兌可左諫議

大夫依前充龍圖閣直學士餘如故

敕左右侍從之職股肱藩宣之寄中外之選兩莫重焉

然效大者必遲故考之至于四歲禮優者必異故進之加乎二等有國之典也具官某修潔無玷亮直有守入備言責出殿方面風采之美足稱一時故今申按于故陟爾以正諫大夫且仍延閣之舊以臨盟津之奧爾其祇服有以善其官而稱我之意無忽可

大理評事蔣續可衛尉寺丞

敕某吳大縣也號爲難治今汝爲令藹然有聲惟汝名臣之後能濟其美吾甚嘉之而有司方以大比之書來上故陟汝丞于司衛汝其懋哉吾尙有以褒汝者且無

沈氏三先生文集

卷第五

五

愛焉爾可

內殿崇班李光嗣可內殿承制

敕某夫有內朝之籍以護一州之兵武吏亦顯矣其可不勉今又以考課法增爾秩一等爾將曷以稱我之寵歟其夙夜乃事思有所立豈特無蹈干咎悔而已可

衛尉寺丞薛昌裔楊仲安可並大理寺丞

敕某等夫行遠必自邇登高必自卑君子之道也仕者亦猶爾今汝等能積其勞三歲故進其秩一等使積而不已則其進也將無所不至亦在懋之而已其往無怠

西京左藏庫副使楊文廣可供備庫使

敕某前日南夷負恩爲亂以覆壞我郡邑至於用師而後定雖朕不德不能懷服方外而亦將吏不戒不習之罪也故深察往失而推擇所遣益不敢輕惟爾文廣材武忠勇更事有勞故今以爾總一道之兵戍于邕管又陞爾于諸使之正以重其行爾其祇聽朕命戒疆事習軍計使南徼無警而朕爲知人則時乃之功矣其往欽哉可

沈氏三先生文集

卷第五

六

川一八

職方員外郎蕭映可屯田郎中太子中舍路諫可

殿中丞

敕某等夫臣能奉職以效於上上能念功以報於下則萬事其有墮而百工其有墮哉然則爵賞雖貴不得而吝也今吾按有司之奏各進爾等秩一等其往祇服益思所以善其職而取報之寵者亦惟休哉可

內殿崇班丁政可內殿承制

敕某海旁諸郡夷蠻雜處奪攘侵害無時無之然則持兵徼候之吏不可以不報其勞也以爾居職三歲無有

敗事部使言狀應以褒陟故遷爾一等以信賞法以勸
武功可會食陝府西路都轉運使兵部郎中充天章閣待制彭
人具陝府西路都轉運使兵部郎中充天章閣待制彭
寄重且思永可右諫議大夫依前充天章閣待制充高
諫兼開陽關路都部署兼安撫使知瀛州
敕河北四方之重而高陽又河北之衝也內蓄勁兵外
抗疆虜則帥守之任豈輕哉具官某資賦純茂材問優
給更佐臺省參列侍從風采之美簡在朕心故陟爾以
諫臣之長仍延閣之舊以臨于瀛爾其往服厥事思所
沈氏二先生文集 卷第五 七
川X上

以息民備敵之宜以揚爾能以稱朕意可

淮南等路都大發運使守少府監孫長卿可右諫
議大夫充陝府西路諸州水陸計度都轉運使
兼本路營田勸農使

敕秦地千里古之建國莫彊焉今雖郡縣然猶建五府
宿重兵以制西戎則天下之重也其將命刺舉蓋難其
人具官某行義甚修風力甚壯內佐大農京兆之會外
領平刑漕食之劇勤勞不怠厥功粲然其以某秩諫大
夫臨使西道爾其宣我威澤足我儲峙使疆事無警而

百姓有裕時汝之能其往祗服可
兼某大理寺丞閻溫仁公孫迪可並太子中舍著作佐
郎趙庚可祕書丞太常寺奉禮郎張鼎可大理
某等古人有言奉職循理亦可以爲治故審官之法
以責士大夫者如是而已今爾等三歲之績旣應其狀
可不遷以厲之其各遷一等往服爾事益思自進亦惟
休哉可

應才識兼茂明於體用科新授河南府滎池縣主

沈氏二先生文集

卷第五

八

川

簿蘇轍可試祕校充商州軍事推官

敕某朕奉先聖之緒以臨天下雖夙寤晨興不敢康寧
而常懼躬有所闕羞于前人日御便坐以延二三大夫垂
聽而問而轍也指明其微甚直不阿雖文采未極條貫
靡究亦可謂知愛君矣朕親覽其獨嘉焉其以轍爲州
從事以試厥功克慎爾術思永修譽可

西京左藏庫副使夏元象可文思副使

大

敕某彭武一道西夏之吭而諸部之翰也其將吏必皆
材選而爾元象旣參其屬今考其歲成則又當遷焉文

思之副前列之寵其思所以克稱者夙夜無懈可

祠部郎中判三司鹽鐵句院呂公孺可刑部郎中

敕某三司主國大計蓋重事也故其屬皆朝廷之選精
能彊力之士而公孺也出入數遷服稱其職惟爾公孺
大臣之世脩潔有立以自致於位朕誠嘉之故因有司
之籍遷爾左曹之正以顯爾名以章朕恩其往祗服永
有爾休可言顯爾名以章朕恩其往祗服永
右千牛衛長史閣門承受陸思恭可舒州桐城縣
沈氏三先生文集 卷第五 九 川○文

堂後官膳部員外郎馬千之可倉部員外郎充堂

後官

敕某夫三公坐大府以論道輔政故不親小事而以爾
諸吏奉行文書檢察纖悉然其責亦已重矣惟爾千之
從事累歲祗慎周密克濟其職故增其秩一等以報爾
勞以勸爾類其往服我休顯之命無易可言顯爾名以章朕恩其往祗服永

西京左藏庫副使高允元可文思副使

敕某武吏以材勇進以功力賞古之制也方天下無事
兵革不試則汝武吏安得自效以取賞哉然內外之職
歲月之勞亦不可遺也今允元最狀既應陟法其增秩
一等以明勸羣吏可

故樞密副使贈兵部尚書王疇遺表長男太廟齋

郎岨可太常寺太祝次男嶧嶼嶼可並祕書省

校書郎

敕某等朕方圖爾考之材登于右府以左右樞機逐觀
其成而不幸卽亡朕心永傷何有窮已故推恩徧于爾
沈氏二先生文集 卷第五 十
等其各思所以自立以紹爾家以稱朕意可

親姪岨可守將作監主簿

敕某爾之叔父朕所用大臣之良也朕哀其早世旣推
恩徧于其嗣又延敘及爾朕之於爾叔父可謂盡矣爾
其自厲無辱朕命可

國子博士劉舒可虞部員外郎

敕某朕垂拱法宮以守四世之成嘉與士大夫共之而
勿失然則內外奉職循理之吏皆朕之所與進也今有
司言舒功狀當陟其命增秩一等以信三歲之典以稱

朕意其往祗所服無怠可

其大理評事宋慶曾可光祿寺丞

敕某朕惟爾祖先帝之大臣有勤勞於國家爾父方執史筆以事朕左右爾克承其世官簿以應審官之法來上朕誠嘉之故陟爾丞于光祿其益思厥修無替爾服可某

前保信軍節度推官慎鐸可太子中舍致仕

敕某夫壯而盡其力老而還其身士亦可以無愧矣今聽鐸之請而進其秩於朝者之後使有以榮其歸路其

沈氏三先生文集

卷第五

十一

川文七

欽承之可

故太子少傅致仕贈太子太保孫抃遺表孫男永年可守將作監主簿

敕某朕於先帝之大臣故家恩禮無所不至今復推敘于爾永年以順爾祖之志吾於孫氏可謂盡之矣其往祗服可

仙韶副使張氏劉氏可並掌樂依舊仙韶副使

敕某禁省內職各有司列故遷序爾各有品制不可逾也以爾選於樂府克善其工遂佐使事今復進爾典樂

之秩以爲爾恩其益慎於職無怠以永有光寵可

崇儀副使李克忠可六宅副使

敕某武爵有諸司使以賞有功以序羣材蓋云顯矣豈
易進哉今爾克忠闕闕之狀旣應賞法則雖顯爵亦不
可得而吝也其升之上列以示勸其眾汝其祇服無斃
可行和循自持式者效良狀當題賞官以辭題之效其
空名試監簿

沈氏三先生文集

卷第五

三

駕部員外郎王誨可虞部郎中

敕某夫公卿之世能保其家以不失其繼者朕皆欲安
護之以始終大臣之恩况汝誨學行純固克濟其美有
聞于時而有司方言汝功狀當陟實有以稱朕之意其
遷誨正于郎位往祇厥服思永終譽可

太子中舍王承可殿中丞

敕某審官以三歲弊羣吏之治而進退之其從來久矣
今上汝官簿無負於法當進者也其進之一等以信常

典以勸在廷汝其欽哉可

屯田員外郎黃照可都官員外郎

敕某河東据西北之會地險兵彊自古以爲重故其守帥必吾左右文武之臣而其幕府亦必材能強濟之士而汝照實被其選必有以稱其任矣今有司計汝舊課故進汝秩于中都之次蓋常典也吾有不次之賞須汝嘉績於後汝其懋之可

右驍衛大將軍龔州刺史宗瑗所生母耿氏可同安縣太君

敕某春秋之義母以子貴蓋先王之制也後世莫不放

沈氏三先生文集

卷第五

三

川川川

焉具官某母氏溫惠有德被選宮邸克生令子冠佩立朝乃因壽聖之慶自列句恩朕敢忘先王之制不成爾子之志哉其封君太縣以示國家禮數之寵可

供備庫副使錢適可左武衛將軍致仕

敕某陳力就列旣得班諸使之後顯矣今乃自請以不能而去其位是可嘉者其進適於環衛之列使歸安于家以報其勞往維自休可

皇姪右武衛大將軍仲林可安州觀察使安陸侯

敕朕親九族以協萬邦其恩至矣豈復有存歿之間哉

具官某孝睦恭惠有聞于家謂宜壽考終享多福奄忽物故震傷朕心不能以已其以安陸之使綬侯印贈于其第惟爾有知尚饗之以自榮可

嘉郡君 磁州防禦使從式所生母南陽縣太君李氏可永

敕夫人子之於其親欲盡其心者固無窮也況有富貴之資者哉具官某母某氏躬有懿德入事宗邸有子受封既啟名縣今復以壽聖之恩進之大郡維爾壽考多福其享無已可

沈氏三先生文集

卷第五

古

川

右驍衛大將軍龔州刺史宗瑗長女可永嘉縣君敕某朕推親之恩以輯九族其施博矣今復從汝父之請緣壽聖之慶封汝以大縣汝其祗服可永嘉縣君殿中丞尹林可國子博士香固無窮也具官富貴敕某承平之治官有成法羣工庶士能守之而無咎者皆得以三歲而遷其秩顧非優哉惟爾念此靖恭于位以爾祿無替於後可

入內侍高班蔣永德等二十人各加恩

敕某等永昭之役大矣其奔走幹督之煩多吾中侍之

臣也今事既禮成宜有以褒顯之其各進階若勳一等
以答爾勞以稱朕意可准前朝例空名試監簿助教各壹道賞平尚書試可
敕某歲饑民不自給官既爲廩振之而汝能自輸所有
以爲助朕用汝嘉賜汝一命以答汝誠其恭承命可
一等前守桂州錄事參軍胥世程可太子中允致仕

敕某州縣之職勞矣汝奔走其閒至于老而自謝以去
予思所以慰汝之心使著汝之籍於朝林哉往保爾福
于家可官

沈氏二先生文集

卷第五

五

都官員外郎勾當法酒庫鄭燾可職方員外郎

敕某羣司百工在中都者雖小大各有其業必皆以材
選雜汝燾學行並懋尤有善問故使登爾于前增爾秩
一等其往牽厥職愈屬於進不已可太平中文思副使曹傑可左藏庫副使其敕某秦地用武其將佐必材勇之士汝傑實充其選而
有勞故優遷其使等以明勸信賞于下尚慎旃哉可

龍圖閣直學士工部侍郎李兌奏醫人高晤慶可

試國子四門助教不理選限

敕某人情莫不欲康寧而壽考則醫者其可以已乎吾
既於近臣之恩無所不至而兌方以爾爲請故賜汝一
命以順兌之志其往慎爾術無廢可

北京留司御史臺正名知班驅使官李早可蓬州

蓬山縣主簿勒留之重大賚四職置爾用工

敕某大名國之別都羣司百工具有故事汝執隸御史

既有年矣視秩命士庸答爾勞維愼厥終無辱我命可

前殿中丞李洙等可並舊官服闋

敕某等三年之喪天下之達禮不得過也汝等去位爲

沈氏三先生文集

卷第五

六

川一八

服既復常矣其還居于舊惟孝與忠惟汝之責懋之哉

可

右清道率府副率致仕王與權可右司禦率府副

率致仕

敕某朕受天之命承宗廟之重大賚四海暨爾臣工咸

與之進故命與權并副司禦往迪寵休思愼厥稱可

中武將軍儂宗且可右千牛衛將軍

敕某爾遠在徼外有地與眾而能嚮義循德深執忠順

不失其守朕實爾嘉故遷爾環衛之貴其益恭畏無易

以永保爾祿於後可

西 贈工中王裕長男無逸可試將作監主簿

敕某爾父為縣擒盜奮身不顧遂至戕歿朕所震嗟既已褒顯贈卹之甚厚又推敘及于汝等其往祇畏思有脩立無墜爾考之烈可

職方員外郎致仕區法男令輿可試將作監主簿

敕某爾父陳力之久自請還事而為爾祈恩故吾以爾試工正之屬以報爾父之勞其夙興夜寐思所以自立無墜厥世可

沈氏三先生文集 卷第五

七 川

西上閣門使王道恭可康州刺史仍舊西上閣門

使成都府利州路鈐轄

敕蜀古之建國今雖郡縣而連城數十地險以遠故常以文武之帥兵而守之又以材勇之將為其佐皆吾左右之選未嘗輕也具官某功臣之世克濟其美將命宣旨有勞內外朕所察焉其以道恭領州刺史之符往貳成都之帥其悉乃心以續乃考之烈無墜我不顯之命可

持服人前內殿承制閣門祇候郭士選可禮賓副

使前禮賓副使郭士逸可崇儀副使東頭供奉
官郭士達可內殿崇班

敕某等朕惟親親之誼布恩於下一均無間故今並進
爾士選等官以順爾母將歿之請其各率身就無列忘
孝忠以稱明命可

江浙等路提點鑄錢公事職方員外郎何若谷可

祠部郎中

敕某國家置官東南采山鑄錢以給縣官之用通百姓
之利益非精能強力之吏不能任事朕既選於眾用爾

沈氏二先生文集

卷第五

文

一
文川

若谷又遷爾尙書左曹之正以示恩數之異其往思所
以稱職之效無怠可

沈氏三先生文集卷第五

官溥士

沈氏三先生文集卷第六

西谿文集卷第六

來建 宋翰林學士右諫議大夫知制誥充羣牧使兼判吏部流內銓判尚
書某 書禮部長興縣開國伯食邑八百戶輕車都尉賜紫金魚袋沈遵
制誥將員外郎朱仲元可部員外郎

顧林都官員外郎楊異等可並職方員外郎殿中丞李
無題 皆之純可太常博士屯田員外郎張宗雅可都官
精且對員外郎

敕某等朕縱核名實信賞必罰庶幾乎吏稱其職民安
沈氏三先生文集 卷第六 一 川

其恭如漢之全盛時故攻百工之績而陟降之未嘗不
詳且慎也今有司以爾等閱閱之狀來上咸應于法而
無殿者其可以不賞而陟之哉其各增秩一等尙書副
郎秩宗博士皆清選也其各懋之與我同底于治可

贈虞部員外郎朱仲元可比部員外郎

敕某瓊管四州在大海之中古島夷之地也自前世以
來數服數叛而嘗弃之矣國家威德加乎方外故請吏
納貢得比中州然將命以往者亦以勤矣惟爾往爲之
守兩歲而還撫輯有方王制無廢申按故事是應以賞

故增一等之秩以答萬里之勞往哉祇服可

豈非梓州司戶參軍集賢院年滿孔目官馮天錫可守

而宣外婺州金華縣尉益其秩與也

敕某給事祕府亦既有年其勞可書官以爲報大縣之
佐厥職姦寇往惟勤畏無敗常憲可

以答草澤國子監篆石經章友直可試將作監主簿不

端公理選限

敕某夫五經之列於學官定以隸古而傳於學者布於
天下蓋已久矣然尙念其文字或失而繆也故詔使考

沈氏三先生文集

卷第六

二

川川三

其真而著之石以爲後世法維爾友直實以小學之選
而參其事今有司言爾篆體之精能盡師法又博習多
識修潔有守願以官之故朕錫爾一命試于工正之屬
以答爾勞以表爾能其往祇服可

以答祕書丞歐世英可太常博士

敕某朕坐法宮出號令以制羣生之命而其所以承流
而宣化者莫重於郡守蓋其於民也獨親於政也獨專
豈非重哉其法度甚備其訓告甚明有能稱朕之選且
不次而賞之今進爾一等之秩者蓋三歲之常典非所

以褒爾爲州之能也其祗聽朕命懋之畏之以取不次之賞可而轉之始封

御前毛詩學究及第梁舜舉可守輝州司法參軍
敕某爾前以明經來試于廷旣當吾選而念爾尙少未
卽任以吏也今旣冠矣其於人事亦已習乎往掾州郡
謹奉常憲毋有奸斲可員

前守將作監主簿曾孝雍可服闋舊官

敕某夫三年之喪亦已久矣先王制禮不可過也爾昔
者銜恤以去位今其復常以從我還汝舊服恭我新命

沈氏三先生文集 卷第六 三 川

事親孝者事君必忠爾其念哉可

太常博士郭瑛可屯田員外郎殿中丞劉介可國
子監博士贊善大夫石弁可殿中丞國子博士

王諤臣可虞部員外郎

敕某等書曰知人則哲能官人蓋堯舜之所難也然所
以能使百僚師師百工惟時者非有考績之典歟今夫
外廷之士眾矣固未嘗人人而從容乎朕前也然則安
得人人而辨之哉故祖述唐虞憲章三后所以損益審
官之法甚備庶幾乎黜陟之明勸沮之信而在位者皆

得其材今乃以爾等來上皆應其法而當遷者也朕甚嘉之其各遷一等往服新命毋忝我不顯之訓可

奏舉人前眞州錄事參軍李及可著作佐郎奏舉

人前青州錄事參軍趙億可大理寺丞

敕某等州縣之吏以千數吾未始一登進於前而辨其賢不肖也故命有司考其推薦之多者參質其殿最以聞朕則親臨而擢之夫豈不重且慎哉今汝等其選也或屬廷尉或佐東觀往悉乃力以服乃事毋俾有壞以負我重且慎之意可

沈氏三先生文集

卷第六

四

川川上

宮苑使宋有言可南作坊使

敕某內朝諸使武爵之顯也夫豈嘗輕以命哉以爾小心寡過歷職之久其勞可書故遷正使之列以爲爾報其往悉乃力祇率常憲毋忝顯爵以廢朕命可

將作監主簿任廓可奉禮郎

敕某筦庫之守出納之吝有司之事爾然累日計歲祈利程功亦不可不賞以爲勸也故今考爾之績遷秩一等者所以答爾三歲之勤夫能大者任重勞多者報豐維爾勉焉毋羞於後可

大理評事梁彥通可光祿寺丞

敕某河東吾股肱之地而西北之樞也故以舊相帥之其兵事之祕軍書之密蓋有不得聞于外者汝實參焉克幹父蠱以濟厥功吾甚嘉之故命有司考績增秩光祿益慎機畫固有隳墮可

大理州雲都縣主簿趙定可大理寺丞致仕

敕某夫鐘鳴漏盡夜行不止古人之所恥也今汝乃以捕盜爲功而自列吾方信令於天下豈可獨遺於爾哉然汝之老亦不可復參吾官職之事矣其升秩廷尉歸沈氏二先生文集卷第六

五

川川又

安於家足以自榮其往祇服可

前守莫州鄭縣令劉庠可著作佐郎

敕某匈奴慕義歸服北方無事然猶宿兵積穀以備豫不虞顧漕輓之弗能給也故設平糴之法推賞募吏以辦之今有司上爾之最實應於令且察爾俊造之等治行甚美任舉者眾故擢爾東觀之屬蓋文學之選也亦云寵矣其往祇服可

奏舉人前忠武節度推官楊甫可大理寺丞奏舉

人前河南府偃師縣主簿兼縣尉事甄履可著

天作佐郎

敕某等夫士之未達也不患乎不知於上患乎身之不修既知於上而發聞光顯矣顧可不善始善終哉今爾等繇州縣之卑而至乎朕前則擢爾于王官可謂發聞光顯矣爾其夙夜以思靖其厥位益保多福可

著作佐郎任桶可祕書丞大理寺丞劉長年可太

沈三先生文集

卷第六

六

去之先之則信勞之則悅繼之以無倦如是而已今爾

等所居皆大縣也亦嘗念於此乎有司考績蓋用常法

升位于朝我恩則厚爾其服我之訓夙夜以思無作官

辱無起民羞無廢我不顯之命可

故司農卿陳宗元孫男仲甫可試將作監主簿

敕某九卿顯爵也法得任子若孫故雖其歿猶弗遺爾

祖宗元實司農之正不幸殞謝故推敘及爾錫以一命

試于工正之屬爾其夙興夜寐聿修厥德無忝爾祖可

永興軍節度推官大理評事前知儀州崇信縣事

大理評事前知儀州崇信縣事

尹光臣可大理評事充山南東道節度推官知梓州東關縣事

敕某爾前以察廉爲縣未久而以親喪去今旣復常矣其還爾舊百里之地有民人焉有社稷焉惟爾爲政賞罰有典爾其懋之可

虞部員外郎致仕滕宗愈男希孟可試將作監主

簿

意

敕某夫引年謝政之臣吾所以加優其恩以及其嗣者豈特報其壯時之勞亦欲慰其歸休之心而勸吾士大沈氏二先生文集卷第六七

夫始終之禮也維爾父陳力之久老而還事朕甚嘉之故褒敘及爾錫以一命試于工正之屬爾其慎修思永以安爾親以稱我意可

相州湯陰縣主簿麻永圖可太常寺奉禮郎致仕敕某爾爲州縣吏者二十年矣曾不能自奮以求爲可知乃嘗坐法以廢今旣耄矣始乞身以去顧奚足以稱者獨褒其奔走之久故加以京寺之屬以優其歸烏乎尙使仕于我者知我之仁哉可

溪峒崔州知州向守興可銀酒監武餘如故

敕某世以武烈名于南方遂有厥土而忠勞鄉順繼繼不怠朕甚嘉之故今命汝王官之眞以典一州之眾汝其恭我職貢固我疆圉毋隳爾舊以永福祿可

前權亳州觀察推官蔡天球前唐州桐柏縣令陳
盤無紘可並著作佐郎

敕某等夫士之難進也不患乎上之不知患乎名之不立此古之人所以難進也今汝天球暨紘皆以儒自進而任州縣有聞於眾有薦於朝故朕命有司登汝使前並擢汝東觀之屬列于王官朕斯知汝矣其各往思夙
沈氏三先生文集 卷第六 八

興夜寐圖永終譽無累我明可

供備庫副使郭琪可西京左藏庫副使

敕某嶠外五管容南都會爲之守者又總監一道之兵以佐其帥其任重矣今以爾琪往夫內則吾民外則諸蠻撫之以恩接之以信皆可懷也夫何內外之有遷躡使列以爲爾寵汝其戒之善輔爾帥毋忝我命可令則

內殿崇班曹誌可內殿承制

敕某功烈之世旣位於朝配我宗女實維材選賜秩一等奉承制旨往服優寵夙夜祇戒無有敗逸可

辨其特奏名進士諸科可並逐州長史文學索益職
敕某等朕既以延天下之士試於廷而賜甲乙之第矣
又念爾等易農而學應書躬策至于歷年且老而無所
成其名甚可愍也故命有司條土覆之於前均賜一命
參佐州服以爲爾寵往哉祇省知我之仁可獎自去日
辨某內殿崇班吳惟寧等可並內殿承制論議齊心輔
敕某等文武班爵之法各因其材而爲制不相奪倫其
考績黜陟以示勸沮則一也爾等並以勞次序位殿中
從朝者之後今復以歲格遷爾一等進承制旨益顯于

沈氏三先生文集

卷第六

九

川川文

廷其各往服蚤夜祇戒思稱厥職尙克荷我之命可

辨某祕書省正字吳安本將作監主簿劉士劭劉士彥

辨某等並可舊官服闋

辨某祕書省正字

敕某等喪不過三年所以告民有終而以節制者也禮
之大體於是乎在今有司舉故事言汝等執喪自去日
月當復故申命於朝還汝于位雖曰舊物其命惟新尙
使身立而名揚孝之終矣可兼至干感平且未而默也

辨某祕書丞孔宗翰可太常博士

敕某先聖之後四十七世世有聞人以紹厥家蓋盛德

之裔必當有顯雖百世可知也惟爾宗翰質行之茂文辭之富能濟其美熒然有聲而自登俊造之選升位于朝三歲于茲矣有司考課遷爾于奉常博士其往率厥職益進於道尙無忝於前人無墜於我命亦惟休哉可

賞右贊善大夫蘇湄可殿中丞

敕某夫三歲考績唐虞之所以任百官成大治稱盛德者也朕今用之以爾名卿之後克世其家文雅有餘更事兼邵故因有司大比之狀命爾以遷丞于殿中漸于顯仕勛哉自進於義無怠無易尙有不次之舉無閒於

沈氏二先生文集

卷第六

十

川又上

爾也可

兼著作佐郎張元方可祕書丞

敕某審官弊羣吏之治三載而一上之有司之常法也朕總孳綱紀躬親吏治視其幽明裁以進退所以示誅賞御臣下也惟爾前實有罪故朕格有司大比之籍不卽用汝使汝退而思戒今更一歲尙克自勵矣進丞舊省從朝者之後斯實優渥汝其畏之毋重往悔可

屯田郎中陳徽卿可都官郎中

敕某四海之廣生民之眾一受制於朕朕豈獨能治之

哉其所以共之者郡縣守令是也然則天下之治否常必由之矣其可以失其人與以爾繇文學之選周旋于外稔有善狀故以爾將一州之師今有司大比又增爾卽位一等寵益至而身益尊矣亦能承流而宣化稱我之意乎其明聽朕訓先之勞之無倦庶幾卓然之效以希不次之賞也可

三司度支判官工部員外郎充集賢校理宋敏求
可刑部員外郎餘如故

敕某司農制天下之財以足國用以調盈虛東觀聚天

沈氏三先生文集

卷第六

七

川川

下之書以育人才以出禮義士大夫之選莫重焉惟爾敏求並應厥任柔而立愿而恭直而温好學不倦彊力有餘朕甚嘉之故因有司考績之典增爾郎秩一等司刑之副尙書高選往服于位益修不怠朕且圖爾之用

可

庫部郎中宋忠臣可司農少卿

敕某九卿之貳爲爵高矣外廷之士計日循級而能至者幾希惟爾服在朝序周旋吏事厯歲滋久其勞亦多考績來上遷爾于大農之副寵益至而身益尊矣其亦

能卓爾而立發于事功以稱我之恩乎其勉無怠可

翰林侍讀學士右諫議大夫環慶路安撫使兼知
慶州韓絳奏進士張康可試國子四門助教不

理選限

敕某爾以儒自名而實以醫爲伎入游京師眾用稱焉
乃有薦者願得齒于土籍故錫爾一命爲吾近臣之恩
其益慎操術毋重辱也可

教坊使杜仁經等加恩

敕某等海內治安朝廷穆然朕誠與羣臣樂之而以時

沈氏三先生文集

卷第六

十三

川〇上

燕敖庶乎交其驩欣以及萬民則爾等執樂之工豈無
勤乎矧大禮告成澤及天下亦不可遺也其各推之寵
名以示溥博無外之恩可

司天監靈臺郎史繼莊等可並司天監主簿

敕某等昔先王建大中以當天心觀天文以察時變故
有日官以底日禮也今爾等職太史者十年于茲亦已
勤矣其各增秩一等往序厥職夙夜精思毋昏迷于天
象以干邦法可

太常少卿葛宮可光祿寺卿

敕朝廷治定百年法制寬裕士大夫各居其佐能遵職
謹業以無大過累日計歲以至高爵者豈非承平之致
歟朕方嘉之寧有愛於爾官師哉以爾具官某文學之
第自底厥躬更職于外具有功狀遂貳卿列今復進爾
光祿之正夫九卿重祿也一州重任也羣材在廷能臻
此者幾希矣爾將奚以爲稱奚以爲報耶其往思之究
之身愈尊者責愈至可不畏哉可

逐使人宋易從可沂州參軍

敕某有司奏爾前罪甚醜是旣棄而弗收宜矣然祿廟

沈氏三先生文集

卷第六

三

川

大慶恩被動植豈獨不以及爾哉其復著於籍參掾下
州烏乎爾亦有知者乎尙知我之仁有以自訟無羞于
我多士可

京東轉運使祠部郎中成奕可刑部郎中權陝西

轉運副使金部員外郎薛向可司勳員外郎

敕某等四海之廣郡縣之眾朕所以付而治之者轉運
使是也顧非重哉自京以東距于海兼齊魯之制汝奕
主之自陝以西至于戎盡秦漢之略汝向主之奕也有
長厚之譽向也有膚敏之實並以材選而往將命能稱

厥職朕甚嘉焉故各增爾秩一等以昭陟明之義爾其
祇服凡爲吏太剛則折太柔則廢爾其戒之維秉厥中
毋違我所以付治之意可

司勳郎中充祕閣校理孫瑜可太常少卿餘如故
敕其祕府藏室吾所以官峻能之士而四海之淵源也
然遷不以時而使有流落之歎恩不異眾而使有渾淆
之議則士大夫何勸焉以爾瑜名儒之世學問自給參
備儒省曆年之多是謂久次故陟爾奉常之貳蓋九卿
之高選也光寵多矣爾其畏服毋替我命可

沈氏三先生文集

卷第六

四

川
上

經恩敘理追官人前內殿承制曹諷可崇班

敕某朕前舉大裕之禮薦于宗廟旣而推恩海內與物
更始故雖有負罪去籍之吏亦得進而用之豈非溥博
之施哉令敘諷以漸班于殿中我德厚矣汝其思厲有
以自新毋重往悔可

堂後官右贊善大夫馬千之可殿中丞餘如故

敕某三公之府萬事之本其地勢也重其樞機也嚴然
則爲之吏者亦難矣以爾端飭廉敏從事厯載益勤不
怠故增爾秩一等仍其故服愈念周密毋墮前效可

特除名人王方可鄭州參軍
救某人臣之誼守官守節不易之道也前日南徼羣獠
乘邊無備闕我城邑而汝攝事刺史之半不能死之遽
先棄去以自遁邦有常憲故除爾吏籍與眾共之今大
禮之慶推恩四海故又推敘及汝參于州掾汝其自省
知我之仁可謂于前對以誠中實之恩爾其其其尚藥奉御直醫官院柏仲宣可醫官副使

救某周禮醫師掌醫之政令歲終則稽其醫事以制其
食今爾仲宣執技從事爲日已久故復審覈厥能進秩

沈氏三先生文集

卷第六

五

川川上

增祿貳于其長爾其益慎于術以佐政令毋有怠忽可
內殿承制閣門祇候曹偓可禮賓副使

救某元功之後戚里之屬旣位於朝今復緣朕誕日之
慶增爾之秩貳于諸使以爲中宮之恩爾其祇畏修省
以保寵祿無蹈咎悔可

救某將作監主簿李昭連可大理評事

救某夫考績之法唐虞之所以熙百王而成大治稱盛
德者也朕今用之以爾繇俊造之選參正正之屬而有

司稽闕應于陟典故升爾于廷尉之平其漸光顯矣往

故祇服可... 莊宅使端州刺史內侍押班石育可內侍右班副

都知餘如故

敕某中外之臣出入帷幄受宣詔命宿衛親密非端信
廉飭小心寡過者不可用也況參總厥任當內宰之責
豈可輕哉以爾服事左右多歷年所遂領近班而忠勞
自資日益不懈朕甚嘉之故升爾貳于內侍之率爾其
夙夜思畏毋以寵自矜毋以權自怙庶幾乎永保爾祿
無負我恩可

沈氏二先生文集

卷第六

六

川〇〇

奉職張文簡

青州

張衮臣

鄭州

可逐州長史

敕某等三班武吏輕矣其有驅馳服事之久而能以禮
請老而去者亦可嘉也其各以參于大郡之佐歸安于
家有以自榮可

賢妃苗氏奏親姊永安縣君苗氏男習進士張士
昌充國公主奏苗賢妃親外甥習進士張闕可

並試將作監主簿

敕某等屬者朕誕日之慶均資宮闈使得推及近戚今
賢妃暨充國公主乃以爾等為言皆苗氏之姻也其各

錫以一命試于工正之屬其往祇服思有攸立毋辱于位可

對其三司度支判官祠部員外郎直集賢院同修起居

文注王安石可刑部員外郎餘如故

敕某左右史以記言動以立書法以觀後嗣其任莫重焉故朕選于眾以爾安石爲之惟爾安石經明行修秉君子之節材劇志大通聖人之方信其可以任重而致遠簡在乎朕心者矣今遷爾郎位一等蓋有司之常法亦非朕所以畜爾之意也爾其往服待我之用可

沈氏三先生文集

卷第六

七

川川文

內殿崇班宋熙可內殿承制

敕某西戎卽敘邊無大警而執兵誰何之吏猶累日計歲以受賞豈非幸哉爾前罷鎮戎旣得推恩矣今復自陳不已朕亦何愛而不以勸有勞者乎其升秩一等奉承制旨往乘一韉思有所報可

文思使康州刺史沈惟恭可左藏庫使

敕某內朝諸使武爵之貴皆所以賞勞能馭材勇者也豈苟幸於人哉然前日乾元之慶均賚宮闈使得推及近戚而德妃乃以爾惟恭爲言朕豈復愛數等之名而

不以慰妃之意哉其升序前列國帑之正寵綏多矣爾其思服無斃常憲可

樞密副使給事中包拯妻仁壽郡君董氏可進封

永康郡夫人

敕鵲巢采繁召南之風王教之本而公侯之事也具官某妻董氏出于盛族而有溫惠之實歸于良士而有輔佐之效今朕既以拯貳于公府而執機柄矣則其中壺禮命之數有常典哉其疏以名郡爲湯沐以稱小君之寵可

沈氏三先生文集

卷第六

六

川〇十

六宅使端州刺史郭逵可果州團練使充龍神四

廂都指揮使

敕王者六軍內以宿衛京師外以威制諸夏其將帥之任莫重焉以爾具官某志節材氣勇有餘裕周旋疆圉其勞可書故歷選於眾以爾董我連營之師且優以團結之秩爾其執軍之律謹國之法以樹功揚名稱我所以擢爾之命可

司勳員外郎曹元舉可依前官充三司鹽鐵判官

敕某國家之大計在三司而鹽鐵又貨利之豐也任其

事者必能吏乃稱焉以爾元舉夙用敏給明習法令治郡刺部域有善最故以爾贊司會之劇夫多取則病於下少取則廢於用維其盈虛斂散以足國裕民繫爾之能其往祗服可守其壘事蹟著焉

至欽衛尉寺丞胡宗質可大理寺丞

敕某有司計羣吏之治三歲而後進退之所以序人材明誅賞古之道也以爾宗質自丞司衛簿狀無殿協于陟法故升于廷尉以漸光顯其往祗服毋怠厥修永有爾祿可

沈氏三先生文集

卷第六

五

川文

持服

爾持服人前西京左藏庫副使武永孚可依前官奪

敕某夫喪以去位禮之經也起以從事政之權也古有之矣朕今用焉以爾永孚材武幹用厯試既效不幸而至於大故方障戎擇人之時豈得使遂其無窮之心哉其疆復爾位往守北壘事親孝者事君必忠吾所望於爾焉可

祿陳祕書丞直祕閣充編修唐書官呂夏卿可太常博

事皆以士餘如故

敕某天祿石渠典籍之府禮樂之源非修潔博習之士則弗能稱其任惟爾夏卿材質之美術業之邵預成唐史遂參書閣斯可謂能稱其任者矣有司弊三載之治故遷爾奉常博士亦文學之選也往服厥位益進于道有以迪我顯命可

皇姪孫故右監門衛大將軍仲翹可贈眉州防禦使追封通義侯

敕朕於親親之恩既無所不至矣況其殂歿豈復有所愛哉惟爾具官某孝恭端飭早有令聞謂實宗子之望沈氏二先生文集卷第六

三 川

奄忽凶告盡傷我心何可及已其命有司贈以州使之綬侯國之章以慰爾靈以揚我寵爾其饗焉可

屯田員外郎王衮可都官員外郎太常博士杜保衡可屯田員外郎

敕某等朝廷治定士大夫幸當其時而進於位以周旋乎太平之致豈非休哉然患常生乎久安而因循苟簡之弊不能無也在乎疆勉而已矣詩曰夙夜匪懈書云懋哉懋哉今有司弊三載之治故各增爾秩一等其各

往服祇我明訓思有攸立毋自斃敗可

前簡州平泉縣主簿李佶可守祕校致仕

敕某始仕州縣而已老矣乞身以去亦可嘉焉升秩京省歸安閩里恩禮之厚來者知勸可

隰州司理參軍劉安仁可光祿寺丞充大理寺詳

斷官遼州平城縣令韓晉卿可大理寺丞充本

寺詳斷官

敕某等書曰五刑有服惟明克允然則刑者教之輔也使或不從而不信則民無所措其手足矣教何有哉俗吏不知經術亦安及此今以爾安仁暨晉卿咸以明經沈氏二先生文集卷第六

三

川X L

奏舉人前同知邵陽縣令張于可著作佐郎奏舉

人前權西京留守判官張宗說可大理寺丞

敕某等天下士大夫達於朝廷者吾既知之矣彼州縣之吏動以千數卑且遠矣朕亦何從而辨之乎故設爲薦任之法而取之一有污敗刑茲無赦然則薦而任之者亦已艱哉今擢于東觀宗說廷尉並列于王官其往祗飭保爾一節毋辱于已知毋背我官訓可

畫邊花藝學澄州無虞縣主簿御書院祇候馬用

可中嶽廟令裝界藝學南州三峽縣主簿御書

院祇候朱懷玉可東嶽廟令

敕某執技於府以勞自陳据其舊次宜被推賞嶽鎮祠

宇具有職事往服惟慎毋自隳斲可

內殿承制雷周輔可供備庫副使

敕某全蜀之廣制爲兩部各置守將以治兵民其任重

矣今以爾周輔往佐軍事又進爾于諸使之貳以重爾

行其往悉乃心宣乃力軍有常律毋得怠廢可

沈氏二先生文集 卷第六 三

比部員外郎致仕黃仲英可加上護軍左清道率

府副率致仕鄭蛻洗馬致仕張道可並加騎都

尉

敕某等朕前以大裕之禮薦于宗廟旣事告休推廣慶

賜罔有遠邇莫不周浹况吾士大夫陳力之舊歸老之

美而可遺之乎其各賜勳一等以稱朕意可

吏部員外郎知制誥兼侍讀楊旼可依前官兼侍

讀充龍圖閣直學士知諫院

敕朕總御綱紀博覽兼聽庶幾乎先王之治而聰有所

未達明有所未燭實賴二三大夫爲吾耳目朝夕納忠
以自輔然舉以任其責者常難其人具官某直清之操
卓爾不羣閎達之材綽然有裕出入內外簡在朕心傳
不云乎如有所譽其有所試其以畋陞于延閣長于諫
臣嗚呼朕之舉爾可謂盡矣爾其觀古名臣所以獻可
替否守節徇義之烈以思自效以稱朕意焉可
度支員外郎直祕閣同脩起居注司馬光可起居

舍人同知諫院餘如故

敕某朕奉祖宗之成業以臨天下夙興夜寐而欲寡其

沈氏二先生文集

卷第六

三

四川文

過未能也故博延亮直之臣使得裨補警戒其不迨庶
幾有益故察于羣臣而得爾光惟爾光學有源本行有
師法方而能通直而不撓可謂卓然特達者其正秩右
史參職諫省往服厥位盡規毋隱務稱朕所以舉爾之
意可

韶州樂昌縣主簿兼縣尉事梁師孟可太常寺奉

禮郎

敕某天下之貨聚於三司三司之法能任事者賞之豈
務於多取哉足國經費而已今其言爾前采韶山之鉛

以贍鑄錢其利歲倍於法當賞故升爾太常之屬以答爾勞其往祗服可

廣南西路鈐轄皇城使忠州刺史宋定可果州團練使舊官充廣南西路安撫都監兼知宜州

敕某嶠外夷獠數叛不賓誠德不足以懷也將威不能以服也宜州在西之衝爲一都會鎮禦備豫尤難其才惟爾定材武忠勇有古將帥之烈周旋南鄙勤勞不怠是宜舉其已試之效優以團結之秩撫輯一道專守千里有民有兵其任重矣爾其宣我德澤揚我威制尙使

沈氏三先生文集

卷第六

書

川X6

刑部郎中充集賢校理馮浩可依前官集賢校理

充三司度支判官

敕某三司制天下之財而度支獨主國之大計其出入多寡之數則有常矣而盈虛輕重之宜豈無術哉故非精明通習之能亦不可以與也以爾某文學之選列在東觀嘗佐京兆又使外部更事多矣宜佐司會之劇以觀其效爾其往服夙夜自彊圖稱服命可

皇親兒男賜名四十七人可並右內率

敕某國家神明之後本支百世蕃衍無疆朕既丕受上帝之祉曷敢不施于爾孫子哉故因乾元之慶申詔宗正悉奏諸孫之能勝衣者四十七人制名命官咸傅之籍咨爾父兄尊爾師保慎爾威儀使幼子有所視有所聞長而無犯於非義以成乎信厚之德豈非休哉其識朕指無忽可

宜州鄉貢進士區宋臣可本州文學

敕某遠人之陋學者常少有能自表於眾是可進焉以爾宋臣出于嶺徼而嘗與計偕來今且老矣而無所成沈氏三先生文集卷第六 三 川 以名自陳于朝有足憫者錫爾一命歸榮州里尙使海隅之俗知有所勸可

宜州鄉貢進士區宋臣可本州文學

沈氏三先生文集卷第六 百廿番游無憂州不受土

沈氏三先生文集卷第七

西谿文集卷第七

宋翰林學士右諫議大夫知制誥充羣牧使兼判吏部流內銓判尚

書禮部長興縣開國伯食邑八百戶輕車都尉賜紫金魚袋沈邁

表狀 劄子 奏記 王令教 當十 鍊文 賦式 賦一 入

賀正表三首

伏以推二氣之元求三統之法斯得天數以為王正傳

會千齡之期鼓舞多方之慶 中賀 恭惟尊號皇帝陛下

稽受皇策答揚祖休克謹持盈之圖坐收前世之烈中

沈氏三先生文集 卷第七 一 川州人

外底輯神人以寧登太平之歌方傳之於不已錫皇極

之福固受之以無疆臣等參服宰司親逢盛旦率籲官

師之眾鈞同朝野之勸

伏以推六律之本以求陰陽之端考三統之元以觀日

月之會實得天數著為王正誕當十載之期允屬一人

之慶 中賀 恭惟尊號皇帝陛下欽明文思神靈徇齊奉

祖宗之成基兼帝皇之能事天方顯相我用丕承登壽

考於萬年豈特比商宗之永開本枝於百世固將齊周

室之隆臣等祇服宰司籲先羣辟仰對孳恩之峻敢傾

祈頌之虔

伏以具物於春聖人所以撫節有為於政王者所以求

端中賀恭惟皇帝陛下臨教保民晉明燭都會年位之

始泐天人之躡異俗來威百昌薦貺臣守郡于外不獲

進慶闕庭

小賀賀冬表三首宜帝符之驗美

伏以氣復於陽數生於子日月閏積之所起寒燠風雨

之所占中賀恭惟皇帝陛下獨運乾剛紹繩祖武撫天

序之正鑿生民之康一新靈辰交薦福本孚佑遠祚坐

沈氏三先生文集 卷第七 二 川。八

臻太室臣遠紆郡章隔望朝弁但馳存闕之悃莫綴充

庭之聯

伏以日極於南考為三統之法陽生以復推見二儀之

心當歷紀之開元宜帝符之錫美中賀恭惟尊號皇帝

陛下志氣獨茂輝光日新運神化於無為均成功於洪

造天瑞來格民靈樂胥奏封禪之書方且發輿人之頌

歌天保之雅固將充萬壽之期臣等備位明廷逢辰大

慶無以褒揚於盛德維知鼓舞於太平

流謝春服表一首

伏蒙云云春物始和恩仁下逮申詔攸司之舊匪頒在

笥之衣拜賜知榮撫躬懷愧中謝恭以尊號皇帝陛下

適熙聖緒高拱太平憲天則以敘彝倫揭時令以垂大

法乃茲仲月均錫官師臣等備位在廷逢辰多慶服之

不稱實畏詩人之譏褫於終朝益思易象之戒庶殫乃

力以補厥尤漢書之文聖恩深重其

謝冬服表一首

伏蒙云云大火始流清風既應告歲功於天吏發時令

於王廷申命攸司匪頒在位粲然束帛之厚寵如華袞

沈氏三先生文集 卷第七 三

之褒臣等中謝恭惟尊號皇帝陛下德暨九圍仁深萬

物感肅霜之節嘉獻裘之勤思與官師並均安煥悉推

在笥之惠俾無卒歲之憂臣等參服典司親逢嘉靖功

不勝祿已負素餐之尤服非稱躬更招彼其之刺幸收

它效得謝至恩

中書賀壽星見表一首

至治升聞休符協應發乾文於南極告壽考於一人海

縣同瞻民靈胥慶中謝恭以尊號皇帝陛下德音獨茂

仁性自然致孝于上下神祇推恩于內外夷夏若臣庶

之細安能報稱于萬方維昊穹之靈固將保佑於千億
倬焉垂象允矣示人臣等參服近司親逢嘉應仰望願
昂之坐俯深踴躍之歡

中書謝譯經御筵表

社鳴紀節式尊誕聖之辰貝葉翻經方祝後天之壽恩
推慈惠宴旅豆觴仰承覆露之私俯愧亨嘉之會

中謝

伏惟尊號皇帝陛下清淨自懋欽明日躋遠追九皇之
蹤近屬三后之統福祿是荷坐致無疆之休神人具依
共持不拔之祚臣等參居宰席並受國恩敢資西竺之
沈氏三先生文集 卷第七 四

四

川メ三

勝因庶效華封之善頌重當飲賜益戴上仁

賀卽位表

皇帝陛下以今月初三日奉膺顧命纂臨大寶乾坤交
泰日月著明普天之下謹呼鼓舞

中賀

臣聞易曰大人

以繼明傳曰王者大一統肇自古始迄于後來神器之
傳必屬元聖伏惟皇帝陛下受昊穹之命承三后之休
繼體先皇正位儲貳神祇以之克相夷夏由是宅心天
人之符如響斯應上下之感不謀而同國家之運方興
祖宗之業既定重熙累洽於萬斯年有生之類莫不自

幸臣內聯侍從外守藩垣不獲奔走稱慶闕庭

慰國哀表

大行皇帝奄棄萬國承詔號踴絕而復生中謝恭以犬

行皇帝德象天地仁育萬物臨御浸久夷夏一心奉諱

之初震動殞裂伏惟皇帝陛下孝思罔極何可堪處臣

伏限守郡仰遵制旨不獲匍匐奉慰瞻望闕庭

賀皇太后表

臣伏聞皇太后陛下恭承顧命進受鴻名母儀正於朝

廷孝治刑於天下中賀恭以皇太后陛下體坤元之德

沈氏三先生文集

卷第七

五

川川上

配宸極之尊內教著于六宮陰化行于四海所以輔成

前朝之治保佑大統之歸皇帝陛下祗述先猷克循要

道率有司而土洪號奉徽稱以明至尊盛禮甫行羣倫

胥慶臣守藩于外營職官常不獲奔走稱慶闕庭

越州謝上表

臣某言云云以親爲請得郡甚優越去宮庭介居江海

就職之始撫心弗寧中謝伏念臣本惟諸生知守前緒

親逢文治之盛冒塵科選之榮擢躋儒林遂執史筆學

不足以達治亂於顧問實難文不能以通古今於述作

何有誤荷聖明之遇進登侍從之塗僂俛備官遠巡待
罪維大恩未報豈敢便安其身顧私養弗克不勝進退
之迫輒以誠乞既茲奠居幸溢於涯感無以喻此蓋伏
過尊號皇帝陛下天地之德覆載而無所不容日月之
明照臨而無所不暨故臣得遂其犬馬之志安于藩翰
之間况茲爲州自昔建國連帶數郡之廣總齊萬兵之
權有可以爲無所于苟尙寬東顧之慮少獲萬分之心

謝賜歷日表

臣某言 云云 歲事更新王正建始肇頒歷紀推授民時

沈氏三先生文集 卷第七

中謝 臣聞王事本於陰陽聖人參諸天地能使四時不

忒然後萬物得宜自羲農以來逮堯舜之盛未有不務
於此而能遂臻厥成恭惟尊號皇帝陛下撫有庶邦規
恢大業凡四海之廣莫不受制於庭而羣生之微一皆
遂性於下自非求端之驗曷由致治之明臣職在養民
幸均受賜敢不奉行之謹以全愛育之仁

謝改官表

臣某言 云云 侍從於中初乏朝廷之補藩宣於外迄微

治行之聞此焉褒優甚矣僭濫 中謝 伏念臣起家單賤

遭世幸榮學未造於古人而陪東觀屬書之選爽不適
於當世而贊右省代言之司雖繇至公實已虛受比緣
私養之迫輒勾方州之行處躬苟安待罪不暇亟推增
秩之典殆非責實之文齋戒奉膺啟居無措此蓋伏蒙
尊號皇帝陛下總攬操柄博收臣工謂甚愚者可無它
謂能守者或有立本賞刑之大信以率彝倫稽黜陟之
常經以昭庶品故令疎窳之質均被寵靈之私臣敢不
夙夜以思動靜惟警終收犬馬之效無愧於中庶全天
地之仁不孤其施

沈氏三先生文集

卷第七

七

謝上表

自越移揚至中道
再移杭州上表

守藩無狀待罪不遑連增秩以過優再易地而逾重夙
夜深念啟居若驚

中謝

伏念臣本惟諸生偶奏薄技登

于羣玉之府已過所宜進於紫微之廷愈非其據庸庸
徒能自守斷斷固無它奇國家之恩豈維一日犬馬之
效何有萬分比請州居實迫私養曾未踰歲之久固微
可書之勤內徙淮南才及中道就更浙右是爲故鄉始
聯史觀之名復躡臺郎之選寵榮駢厚憂悸更深此蓋
伏遇尊號皇帝陛下博愛爲仁有容成德收報於官師

者甚薄推惠於臣庶者必隆蓋將盡得其心然後咸罄其力況臣之陋自知甚明所以獨誓於中豈敢但期於眾殞首之日披腹是求

代人進新修祿令表

畢斯蓋帝王之論事只颯

臣等聞古者任官以職所以均邦治而立民極也列爵以地所以等臣功而明王制也三代以前典刑蓋略二漢而下因革不同班祿之法隨時以定或稟以穀帛或俸以金錢蓋德高而位尊者其賜優能薄而任輕者其受寡必有等籍以為權衡

中謝

竊以國家造邦百年垂

沈氏三先生文集

卷第七

八

川上

統萬世若稽賦祿之序參用前古之宜然內外之官大小之職其著之品者累百其分而名者幾千下逮兵爵之籍差列尤眾而舊章弗完公令罔著或援之先例或裁之一時顧不責於攸司乃數煩於中覆因循斯久創定惟時恭以尊號皇帝陛下懋正九功緝熙百度彝倫攸敘率祖宗之規摹治具畢張盡帝王之能事凡厥法制悉從刊明唯茲秩賜尙虧典則乃詔臣等以

云云修

為大宋祿令臣等祇畏承命講求踰時論次名品稽合

義類據

云云

所以著出祿之律示官人之方又以杜上

前之煩文還有司之常訓頒於方國俾遵畫一之規詔於將來允示不刊之典臣等智非博極才謝兼通第勤明詔之嚴敢謂成書之善將塵展陛若蹈淵冰

代人奏請更定科場約束狀

伏以選士之法自古論之莫不以行爲先藝次之蓋行本也藝末也取其本而遺其末可也未有取其末而遺其本者也古之所謂藝者皆可用之實尙且謂之末今之所謂藝者皆無用之具乃專以爲辨論之法甚亡謂也然國家用進士一路以取士百年矣英才異能得之

沈氏三先生文集

卷第七

九

川三

不爲少而失之亦已多何也蓋其制之有敝而不革者爾夫進士之法固不可以卒變古者不變法而治蓋能因其法以通之也臣竊見天下州郡發解舊有封彌謄錄之制近又有考試官不得與長吏相見之令夫州郡發解亦古所謂鄉舉里選也其任在郡守縣令先察其行乃試其藝行修而藝或不至舉之可也行虧而藝或可觀不舉可也故律有貢舉非其人之法甚重今則不然凡有籍於版者皆聚之使試旣試則削其名易其書漫不知其誰何徒以雕篆之做法考無用之空文敦朴

俊茂不幸而小不如其法度則一皆黜之庸污淺陋幸而僅不失其法度則一皆取之守令之任無所尸責律令之設是爲虛文豪傑老成則轉棄於平剝薄後進則馮凌於上風流不支日愈一日甚非國家選賢官材之本意也此蓋當時建議者務爲苛細以希一時固不及知天下之大公國家之遠體矣臣竊謂今朝廷方議更定取士之制宜因罷去天下州郡發解封彌謄錄及試官不得與長吏相見之令別爲約束使長吏與試官精加詢察依格考定必得學行兼備名實相副爲眾所推者卽許解送如有背公徇私去留不允者並許論告卽行推劾論罪如律所告虛者重行科斷永不得入科場仍令刺舉之官嚴加覺察務盡公議如此則材能悉收而野無遺逸濫幸旣革而士知修飭又以示天下之夫公明國家之遠體以爲後世之法

沈氏三先生文集

卷第七

十

川上

免龍圖閣學士狀

今月二十一日准閣門告報伏蒙聖恩特授臣依前尙書吏部郎中免龍圖閣學士令臣授敕誥者聞命震恐不知所容伏念臣質行單陋材不足用列在侍從已非

所據而比蒙進職任居京府臣所以不敢自辭者誠冀得竭其犬馬之力幸有所立以謝萬分夙夜惴惴大懼不能勝其任而曾未踰月復增寵名雖國家所以遇臣下者甚厚然非臣之所敢當也伏望陛下察臣之愚無使過其分以速顛覆而責其來效尙不辱朝廷之恩申戒有司收還詔書臣之願也維陛下裁許臣不勝大幸所有敕誥臣未敢祇受臣無任激切屏營之至

免翰林學士狀

今月初四日准閣門差人齎到敕誥各一道伏蒙聖恩

沈氏二先生文集

卷第七

十一

川上

特授臣依前右諫議大夫充翰林學士知制誥者聞命震驚不知所措伏念臣起於諸生質行淺薄學問不能純師文章不足行達列於侍從已非所據又安可以與聞密命對裁訓辭播之大廷達於天下者哉況今侍讀等學士知制誥待制皆一時之高選其材能莫不在臣之右伏望皇帝陛下察臣之愚無狀爲不勝其任收還制書而選於眾必得其人以盡公議臣不勝幸甚所有敕誥臣未敢祇受臣無任激切屏營之至

中書謝傳宣入伏早出狀

右臣等云云公府樞機之原所當盡瘁人臣夙夜之謹
豈敢告勞豈謂伏蒙皇帝陛下仁隱及微恩覃迨下甫
茲庚伏之候遽傳中出之言許其處休得以夙退夫王
人聽政固有四時之宜而臣職在公何取一身之逸自
非愛育之厚曷致優游之私臣等參陪近司首被隆渥
永惟圖報之效誓在捐軀之初器質卑陋學識庸凡
中書謝譯經院御筵狀

誕聖當期方薦南山之壽繙經演法敢斬西竺之祥勝
事甫成羣靈胥慶沛發惠慈之流加優觴豆之勸臣等
沈氏二先生文集 卷第七

七

川一上

參服宰司預聞譯義雖冀真乘之利仰資難老之祺酣
詠逾涯飲服無斃山文青紙錄其文清薄西竺之祥繙

舉邵亢自代

伏見太子中允集賢校理邵亢器質渾厚學術精明其
辨論足以當顧問之求其文章足以備典冊之選臣所
自揆不如遠甚謹具狀舉以自代公同取一良之舉自

自代

其國材昂也夙夜夫王

臣伏覩三司鹽錢副使工部郎中吳充行義修潔資材
博敏其學術論議足以當顧問其文章體用足以裁辭

命臣前嘗舉以自代實所不及伏望朝廷持賜進用庶
盡公議

自代

臣伏見大理寺丞祕閣校理韓維虛靜之性本於自然
疏明之材可以大任臣之自揆實所不如
臣伏見刑部員外郎集賢校理吳充材資自高學問不
倦施之政事沛然有餘用以代臣實允公議

自代

沈氏三先生文集

卷第七

七

川三三

臣伏見兵部員外郎充集賢校理邵必端亮修潔好學
守道出入文館資望俱高揆之公議臣所不及

臣伏以聖人繼明海縣均慶凡在爲臣之列莫不思效
厥誠前件銀山川之精天地所寶敢備充庭之實庶修
任土之儀謹進

進挽歌辭狀

右臣伏聞大行皇帝園陵卜吉大事有期臣身備侍從
而守郡於外不得奔走執事之後不勝追慕殞裂之情

謹齋戒撰成大行皇帝挽歌辭三首於昔引來不盡
笏記

梵譯甫終將獻上乘之福恩仁不逮遽推宴俎之私拜

況過優捐軀曷報豈報憂故夙夜勤念思存以海朝

中書謝春宴笏記

春物熙華宸居暇豫中開宴賜下逮臣工中謝伏惟尊

號皇帝陛下盛德對時至仁自性弗為獨樂務與眾均

臣等備位在廷逢辰多慶略無報稱第有戰兢京官其

陳乞劄子第一

沈氏三先生文集 卷第七

古 川川川

臣輒披誠素上冒聖聰顧循罪戾殞越無措伏念臣父

某昨任通判滑州保舉本州白馬縣令楊稷充京官其

人近以賊除名臣父坐累於法當追奪一官再念臣父

歷任州縣致位於朝凡四十年未嘗一挫於法而薦任

者過數十人今行年六十始得為郎而遽為舉者所累

奪官免職在臣之情豈勝憂迫夙夜惟念思有以祈贖

而臣蒙國寵厚備職侍從又例得計歲磨勘以進官在

臣之身竊幸實多臣願移臣終身磨勘之恩以贖父一

朝之罪伏望陛下特開聖造俯察私欲許臣永不磨勘

而赦臣父追官但免所居之任亦足以行常法臣不勝大願再念臣父所獲之罪非自己作獨以知人有所不盡故被坐累向使臣父自作弗善臣亦豈敢進于朝廷以屈常法犬馬之情苟賜矜納則父子立朝尙期有立以報萬分臣無任徬徨激切俟命之至取進止

第二卷

右臣

云

寵靈優厚加於無功畢臣之身不足以謝然

犬馬之情尙有未盡者輒冒萬死敢言之伏念臣昨於去年中以臣父某坐舉官事當追免臣遂具奏乞臣永

沈氏二先生文集

卷第七

五

川上

不磨勘而赦臣父追官是時竊計朝廷以臣未當磨勘故不賜允納今臣父追免已久而臣幸蒙恩遷官臣之愚素豈能遂已伏惟陛下孝治天下仁覆萬物有生之類旣莫不遂其性而得其所故臣之愚素尙覬得申再念臣父歷任州縣凡四十年白首垂老始得爲郎而遽以保任之累免廢在臣之情夙夜不遑安處臣願還臣所進秩二等自今更不磨勘而許復臣父所免官一等伏望陛下特開聖造究察私欲許檢會前奏曲賜矜可臣無任徬徨激切祈恩俟罪之至

第三

臣聞私而求申於公者非直臣而求必於主者非順有一於此是爲罪人今臣乃負二罪而敢有言者君親之義不得有隱一旦獲罪是其甘心惟陛下矜而聽之不勝大幸伏念臣昨於去年中以臣父某坐舉官事當追免臣遂具奏乞臣永不磨勘而赦臣父追官是時竊計朝廷以臣未當磨勘故不賜從納臣近於二月中蒙恩特授臣起居舍人臣尋兩具奏乞還臣所進秩自今更不磨勘而許復臣父所免官尋再奉聖旨不許臣又竊沈氏三先生文集

卷第七

七

川又文

計朝廷以臣父坐廢於法未當敘復而齒於朝故亦不賜從納臣卽已祇受并具奏其意臣近蒙恩特授臣尙書禮部郎中臣亦已祇受今明堂禮成大賚天下而臣父幸得以例敘復而齒於朝則臣之愚素猶冀得申伏望陛下特開聖造究察私志許檢會臣前後四狀許臣納起居舍人及尙書禮部郎中兩官而復臣父舊官依例差遣臣之微誠賤說旣以盡於前奏不復敢喋喋取瀆於上惟陛下矜而聽之不勝大幸

第四

右臣云朝廷已行之命非敢固辭犬馬未盡之誠尙

期從欲再三之瀆誅放所甘伏念臣父子立朝寵靈兩厚在私之幸於臣實多獨念臣父當垂老之年被奪官之責臣所以夙夜深念啟處不皇思有所圖以贖厥咎輒上還臣身之進秩願得復臣父之免官賤誠雖明天聽猶隔傍徨若失俯仰無措伏望皇帝陛下天地覆載而無所弗兼日月照臨而無所不察載矜愚款終賜俞音臣伏恐朝廷以臣父免官未當敘用則乞留臣所納轉官恩澤候臣父將來合當敘用許復舊官則臣以祿

沈氏三先生文集

卷第七

七

川上川

養親一得如志以身報國畢當殞身臣無任祈恩俟罪感激懇切之至

右臣云臣相次兩具狀奏乞納臣新命復臣父舊官

今月七日再准中書劄子奉聖旨所乞不行便令受誥敕者身賤言輕再三瀆上聖恩寬大不卽誅殛不勝幸甚臣竊計朝廷以臣父坐廢於法未當敘復而齒於朝所以臣之愚請不賜從納臣亦豈敢喋喋重干天聽然臣區區犬馬之誠父子之念實未能已竊幸它日臣父

敘復而齒於朝則臣尙敢自陳而冀得請所有敕誥臣已於當日祇受奉表稱謝訖

乞移鄆州劄子

臣輒以悃幅上千聖明進退爲憂俯伏待罪伏念臣行能朽薄猥列從官之後國恩過厚夙夜震恐未知所以爲報而犬馬之質早衰多病比年尤甚遭遇朝廷大治四方無事臣得以優游養安于外粗了職事未從誅廢不勝大幸再念臣到任已踰二年伏恐例當除替臣竊聞鄆州曹佾到任亦已二年或應召移臣欲望聖慈特

沈氏三先生文集

卷第七

六

川上

許就差臣知鄆州臣雖罷悴無狀尙可黽勉殫其餘力以報國恩

上殿劄子

臣伏見朝廷比歲置官遣使自京師達於天下凡征賦之重力役之眾有所病於民者悉寬除之所以惠養百姓德澤甚厚臣愚以謂尙有未盡者郡縣或以虛名建而民力分不能給其一事也蓋一郡雖小必有一郡之役一縣雖小亦必有一縣之役地非加廣也民非加眾也昔合而役於一者今乃分而役於二然則欲民力之

有餘不可得矣是所謂以虛名而取實弊殆當時議者之過而今天下以軍名者多是也臣愚不足以盡其利害願陛下屬之有司詳議取近世所置軍縣度其小大遠近可省者皆省而并之如其舊不獨以損吏役而舒民力又以汰冗官而節多費庶幾稱朝廷所以愛育百姓之意取進止

開封府乞增屬官劄子

臣伏見開封府所治京師其職事之劇固非天下郡府之比然今郡府之大者其佐皆置通判職事官六人雖

沈氏二先生文集

卷第七

九

川上

郡府之大職事之劇自不能開封付二三而開封之佐乃獨置推判官四人蓋失之從事久矣且行尹事者固當責以大體夫使國家德澤不宣法制不行百姓失業大眾弗治是其咎也若簿書期會之煩笞榜訊驗之細皆當責其佐今則不然一府之事無小大行尹事者常與其佐襍治之索其精神弊其支體朝而視事昏而後罷僅能給一日之務夫人之材力亦有分矣事物之來則無窮也以有分而應無窮雖賢智或不能盡況如臣等之愚而欲使國家德澤宣流法制張明百姓篤其恭

大眾無敢犯不可得矣其弊在於爲之佐者少而事不分任不專行尹事者不得盡心於所責爾蓋舉其大者必遺其細察於近者必闕於遠理之常也臣願陛下裁擇可增置府推官二員與舊爲四員使均治獄訟判官二員使其治諸務若此則事分而任專處心者精爲力者省法理必盡其精紀綱脩而無廢行尹事者得壹意而尸所責庶幾有成以靖京邑以觀四方以稱陛下憂勤內外之意取進止

上中書奏記

沈氏三先生文集

卷第七

二十

川上

某守郡無狀無以稱朝廷惠養百姓之意夙夜自訟不知所爲維朝廷寬大未加之罪幸甚幸甚所守東南大郡學者甚眾州雖有學而無官學者不知所師某輒有奏乞除試祕書省校書郎孫侔一職事官管勾本州學侔之爲人相府所知不待某言然朝廷嘗已命侔爲揚州學官侔固辭恐朝廷疑侔前意而奏難言其私故敢陳之於左右侔向以固辭揚州學官者是時侔兄觀在朝其祿尙足以周其族故侔得以自守而不願仕朝廷亦高之而不奪其守自居於湖安其賤窮未嘗妄與人

交況其有取於人也今乃不幸而失其兄侔方自經營以迎其喪於蜀自此其家事衣食嫁娶一出於侔侔既無祿又不能爲生則其家飢寒之憂近在朝夕雖欲不仕不可得矣恭惟某官閣下方爲朝廷致天下士而官之如嚮者顏復等召至一試尙得一邑如侔者固非復等所能望劉敞嘗奏言侔是王安石呂公著之流信知言也然則侔豈止一州郡學官而已如朝廷自以有處侔者則非某所知不然則朝廷亦不惜一職事官於侔以慰此州學者之心又侔方窮困當朝廷憂天下不欲

沈氏三先生文集

卷第七

三

川上

一物失其所之時某故敢盡言侔之思維左右留意幸甚幸甚

上虞惡民李氏者一邑之害而四方之所共知也自敗邑令王存以來朝廷士大夫莫不切齒而欲菹醢之然則居官者不能使伏其辜亦何以爲民之主今足下居縣亦可謂能矣然舉茲以議始末也其覽此而留意且其家內亂專殺屠牛釀酒用禁物置兵械皆安然而不怪欲發而致之於法非艱然所以前后不能發之者由

